



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

30. De Adimaro Podiensi Episcopo, qui expugnata iam à Christianis vrbe Hierosolymitana, cu[m] diu ante defunctus esset, visus est in sancto ciuitate, priusquam muros ascendens, reliquos ad ingressum ...

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

*Iohannes Nauclerus vol. 3. Chronicorum gene-
ratione 37. De Adimaro Podiensi Epif-
copo, qui expugnata iam à Christianis vrbe
Hierosolymitana, cum diu ante defunctus
esset, visus est in sancta ciuitate priusquam
muros ascendens, reliquos ad ingressum vr-
bis animauit.*

CAP. XXX.

ANno Domini 1099. cum exercitus Chri-
stianorum oppugnaret urbem Hiero-
solymitanam, cumque iam totum men-
sem circa mœnia vniuersus defudaret exerci-
tus, die xj. mensis Iulij, vno animo assultum fa-
ciunt, & cum vsque ad horam diei 7. sine certa
victoria anceps certamen esset, subito virtus
diuina affuit, quæ fidelium rebus iam despera-
tis consolationem attulit. Nam de monte O-
liueti miles quidam armis accinctus fulgenti-
bus, qui postmodum non comparuit, signum
dabat nostris legionibus, vt assultum itera-
rent: quo signo viso exhilaratur exercitus, &
maiori animo ad expugnationem urbis redijt,
tanto feruore, vt qui fessi aut vulnerati, ante
operam subtraxerant, nunc resumptis viribus, vl-
trò se ingererent animosius. Obtenta paulò
post vrbe cæsis vniuersis hostibus, populus fi-
delium, depositis armis in spiritu humilita-
tis, cum gemitu & lachrymis venerabilia loca
singula perquirere cœperunt. Die verò capti-
onis ciuitatis, Dominus Adimarus Podiensis
Episcopus, quondam legatus, qui apud Antio-
chi-

*Adimari E.
piscopi appar-
itio & præfi-
dium.*

chiam vita decesserat, à multis in sancta viua
est ciuitate, ita vt multi fide digni asseruerint
super muros ciuitatis primum omnium alcer
disse, & cæteros ad ingressum vrbs animale
multi quoque alij, qui in via diuersis casibus
occubuerunt, in dicta ciuitate apparuerunt
cum alijs loca venerabilia visitantes, in qua
manifestè dabatur intelligi, quia etsi vita de
cesserant corporali, ad æternam tamen vocati
beatitudinem, nō sunt fraudati desiderio suo
sed quod pio expetiuerunt studio, pleno sunt
consecuti affectu.

*Ioannes Nauclerus loco citato De Christianis
in Antiochia obsessis, & per apparitionem
B. Andrea, & lanceam seruatoris Christi
premissisq; ieiunio precibusq; & sacrificiis
mirabiliter rore cœlesti confortatis, & de
stibus triumphum referentibus.*

C A P. X X X I.

CHristiani circa idem tempus in ciuitate
Antiochena grauissima premebantur
obsidione, rerumque omnium penuria
& fame. Dum igitur sic affligerentur, respiciens
eos Dominus, consolationemque misit. Appo
ruit enim cuidam clerico B. Andreas, cui plu
rimum erat deuotus, commonens quatenus
principibus nunciaret, vt lanceam, qua domi
ni nostri latus fuerat perforatum, in Ecclesia
B. Petri repositam perquirerent, ei que locum
certis ostendebat indicijs. Quod cum fecisset,
ipse ad eius suggestionem in loca effossa alia
quanta